



SPORTSKO UDRUŽENJE | SPORTS ASSOCIATION

**FAIR PLAY**

Velikokladuška 14 | 71000 Sarajevo | Bosna i Hercegovina

Tel: +387 62 870 870 | email: info@fairplay.ba | www.fairplay.ba

ID broj: 4201974980002 | Račun/Account: Bosna Bank International, 1413095320008564

## **DISCIPLINSKI PRAVILNIK**

### **MALONOGOMETNE LIGE „FAIR PLAY“**

### **ZA SEZONU 2015/2016**



#### **Član 1.**

Ovim pravilnikom uređuju se ovlasti Disciplinske komisije te određuju disciplinske mjere u slučaju nepoštivanja pravila propisanih Propozicijama Lige, Pravilima igre kao i kršenja osnova fair play-a.

#### **Član 2.**

Disciplinska komisija broji pet (5) članova koji su izabrani iz redova redovnih članova Malonogometne lige "Fair Play" koji daju tumačenje ovih pravila.

#### **Član 3.**

Svako isključivanje igrača iz igre (crveni karton) za sobom automatski povlači disciplinsku mjeru neigranja najmanje jedne (1) prve sljedeće utakmice.

#### **Član 4.**

Igrač se isključuje iz igre (crveni karton) u slučaju:

- namjernog igranja rukom (osim golmana) u svrhu spriječavanja postizanja gola od strane protivničke ekipe
- dvije javne opomene (2 žuta kartona)
- namjernog preoštrog starta s namjerom ozljeđivanja protivničkog igrača
- verbalnog i drugih oblika vrijeđanja bilo kojeg sudionika takmičenja
- bacanja lopte ili bilo kakvog predmeta prema nekom od sudionika takmičenja s namjerom da ga ozlijedi
- bacanje bilo kakvog predmeta u teren
- fizičkog napada na bilo kojeg sudionika takmičenja

#### **Član 5.**

U slučaju isključenja igrača Disciplinska komisija može izreći sljedeće disciplinske mjere:

- u vezi tačke 3. člana 4. zabranu igranja najmanje dvije (2) ligaške utakmice
- u vezi tačke 4. 5. i 6. člana 4. zabranu igranja najmanje tri (3) ligaške utakmice
- u vezi tačke 7. člana 4. zabranu igranja najmanje pet (5) ligaških utakmica



SPORTSKO UDRUŽENJE | SPORTS ASSOCIATION

**FAIR PLAY**

Velikokladuška 14 | 71000 Sarajevo | Bosna i Hercegovina

Tel: +387 62 870 870 | email: info@fairplay.ba | www.fairplay.ba

ID broj: 4201974980002 | Račun/Account: Bosna Bank International, 1413095320008564

#### **Član 6.**

Igraču koji u toku takmičenja sakupi 3 (tri) žuta kartona, Delegat lige će izreći zabranu igranja na 1 (jednoj) utakmici.

#### **Član 7.**

Crveni karton kojega igrač dobije zbog prekršaja znači zabranu igranja na 1 (jednoj) utakmici, a u ponovljenom slučaju kazna se udvostručuje.

#### **Član 8.**

Crveni karton kojeg igrač dobije zbog nesportskog ponašanja, znači zabranu igranja na 2 (dvije) utakmice, a u ponovljenom slučaju se udvostručuje.

#### **Član 9.**

Svaki pokušaj fizičkog napada na sudiju utakmice kažnjava se zabranom igranja na 5 (pet) utakmica, a u ponovljenom slučaju kazna se udvostručuje. Fizički napad na sudiju podrazumijeva bilo kakav fizički kontakt igrača sa sudijom, bez obzira na njegov intenzitet.

#### **Član 10.**

Za fizički obračun među igračima, kao i sa službenim predstavnikom ekipe minimalna kazna će biti 5 (pet) utakmica, dok će začetnik incidenta biti uvijek dvostruko kažnjen u odnosu na ostale.

#### **Član 11.**

Zabranom igranja na 2 (dvije) utakmice kažnjavati će se nesportsko ponašanje izvan igrališta (vrijeđanje zapisničara, lupanje po stolu, udaranje po štoperici i slični prekršaji), kao i za napucavanje lopte u zid ili u gledalište, a u ponovljenom slučaju kazna se udvostručuje.

#### **Član 12.**

Psovka igrača se kažnjava žutim kartonom, a ako se radi o psovci upućenoj suparničkom igraču ili sudiji kazna je crveni karton (jedna utakmica neigranja). Ukoliko igrač ponovi ispad ove vrste kažnjava se zabranom igranja na 4 (četiri) utakmice.

#### **Član 13.**

U slučaju psovki svetinja islama igrač se kažnjava zabranom igranja na 2 (dvije) godine, a u ponovljenom slučaju znači apsolutnu zabranu igranja.

#### **Član 14.**

Zbog izazivanja ili sudjelovanja u fizičkom obračunu sa bilo kojim sudionikom takmičenja Disciplinska komisija može donijeti mjeru isključivanja iz takmičenja za pojedinca kao i cijele ekipe, te zabrane sudjelovanja na svim takmičenjima u organizaciji Malonogmetne lige "Fair Play".

#### **Član 15.**

Svaki pokušaj namještanja utakmice će biti sankcionisan poništavanjem utakmice i gubitkom bodova obje ekipe.



SPORTSKO UDRUŽENJE | SPORTS ASSOCIATION

**FAIR PLAY**

Velikokladuška 14 | 71000 Sarajevo | Bosna i Hercegovina

Tel: +387 62 870 870 | email: info@fairplay.ba | www.fairplay.ba

ID broj: 4201974980002 | Račun/Account: Bosna Bank International, 1413095320008564

### **Član 16.**

U slučaju namjerno nanesene materijalne štete stvarima, sredstavima i rekvizitima koji su u vlasništvu Malonogmetne lige "Fair Play", kao i u slučaju bilo kakvog uništavanja imovine u dvorani gdje se takmičenje održava, Disciplinska komisija Lige može donijeti odluku zabrane sudjelovanja na natjecanjima koje organizira Malonogmetne lige "Fair Play".

Sarajevo, oktobar 2015. godine

Delagat takmičenja:

Amer Lekić